

NOTTE DE CHELU

Pietro Casu

Notte de chelu es custa d'ogni sinu,
de allegria si sentit bundare
ca in sa grutta es nadu su Bambinu
dai s'inferru pro nos liberare.

**Es nadu, es nadu, es nadu su Bambinu,
enide, enide tottus a l'ammirare,
enide a l'adorare,
enide a l'adorare e a l'amare!**

Iss'a lassadu su chelu lughente
e bennid'est a sa grutta a penare
che fizzaigheddu de povera zente
e fit su fizzu de su Re divinu.

**Es nadu, es nadu, es nadu su Bambinu,
enide, enide tottus a l'ammirare,
enide a l'adorare,
enide a l'adorare e a l'amare!**

Subra sa paza l'ana collocadu
ca non b'iat locu a reposare
ma sos anghelos l'ana accoltegiadu
tra sas istellas fatendhe caminu.

**Es nadu, es nadu, es nadu su Bambinu,
enide, enide tottus a l'ammirare,
enide a l'adorare,
enide a l'adorare e a l'amare!**